

UNIVERSITI TEKNIKAL MALAYSIA MELAKA

UTeM.02/10.12/2 (76)

05 JANUARI 2009

PEKELILING PENTADBIRAN BIL. 1/2009

TINDAKAN DAN HUKUMAN KE ATAS STAF DISEBABKAN KEGAGALAN HADIR UNTUK MENDUDUKI PEPERIKSAAN ATAU MENGIKUTI KURSUS PENILAIAN TAHAP KECEKAPAN (PTK) UNIVERSITI TEKNIKAL MALAYSIA MELAKA

1.0 TUJUAN

Pekeliling ini bertujuan memaklumkan kepada semua staf di Universiti Teknikal Malaysia Melaka berkenaan tindakan ke atas staf disebabkan kegagalan untuk hadir bagi menduduki peperiksaan atau mengikuti kursus Penilaian Tahap Kecekapan (PTK).

2.0 LATAR BELAKANG

2.1 Adalah dimaklumkan bahawa Mesyuarat Panel Penilaian Kompetensi Bil. 4/2008 yang bersidang pada 6 November 2008 telah bersetuju untuk mengambil tindakan dan mengenakan hukuman kepada staf yang telah memohon untuk menduduki peperiksaan atau kursus PTK tetapi **tidak hadir** mengikut tarikh yang telah ditetapkan.

2.2 Tindakan seperti dinyatakan di dalam Pekeliling Pentadbiran ini adalah bertujuan untuk meletakkan staf yang terbabit untuk turut bertanggungjawab dan tidak hanya meletakkan sepenuhnya bebanan kepada pihak Universiti disebabkan kegagalan staf itu sendiri untuk hadir bagi menduduki peperiksaan atau mengikuti kursus PTK.

3.0 PERATURAN UNTUK MENARIK DIRI DARI MENDUDUKI PEPERIKSAAN ATAU KURSUS PTK

- 3.1 Calon yang memaklumkan penarikan diri secara bersurat dengan sokongan Ketua Pusat Tanggungjawab **dua minggu sebelum tarikh peperiksaan atau kursus** bermula adalah diberi kelonggaran untuk tidak menghadiri peperiksaan atau kursus PTK.
- 3.2 Walau bagaimanapun sekiranya calon gagal memaklumkan penarikan diri dalam tempoh tersebut, calon perlu menghantar surat tunjuk sebab dengan alasan yang munasabah beserta bukti kukuh dengan disokong oleh Ketua Pusat Tanggungjawab.
- 3.3 Alasan yang dikemukakan oleh staf adalah tertakluk kepada penerimaan dan persetujuan oleh Pejabat Pendaftar atau Panel Penilaian Kompetensi yang mana berkaitan.
- 3.4 Staf yang gagal memaklumkan penarikan diri **dan/atau** tidak mengemukakan surat tunjuk sebab **dan/atau** mengemukakan surat tunjuk sebab tetapi dengan alasan yang tidak munasabah akan ditafsirkan sebagai gagal menghadiri peperiksaan atau kursus dan boleh dikenakan tindakan dan hukuman seperti berikut:-
 - 3.4.1 Digantung dari menduduki peperiksaan atau kursus yang berkaitan selama satu sesi (6 bulan).
 - 3.4.2 Ketidakhadiran calon akan dicatat dalam Buku Rekod Perkhidmatan.

4.0 PELAKSANAAN

Pekeliling Pentadbiran ini berkuat kuasa mulai dari tarikh pekeliling ini dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah



HASAN BIN SIRUN
Pendaftar

imba

sk Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-pegawai Kanan